

## Nowy zwěstyk: Kšě wšykne juristiske móžnosći wupóceraš, aby Miłoraz wóstał

*Su pódpisali zgromadne póžedanje / Serbski sejm a Łužyska alianca stej pódla*

Z Drježdźan/Dresden. Zastupniki Serbskego sejma, Łužyskeje aliancy, Zelenych a Lěwice su gromaže z wobswětowymi organizacijami a někotarymi wobydlarjami Miłoraza gromaže pódpisali póžedanje, až wjas Miłoraz njedej se dla brunice wótergas. To jo se stało na zgromadnej casnikarskej konferency pśedsłědny stwórtk.

„Notnosć producěrowanja elektricy z wugla wóteběra rapidnje, dokulaž klima se rozgrěwa a kněžastwo jo wobzamknuło, až budu wót wugla wótstupiš. Wažnosć regeneratiwneje energije pśiběra“, pišu wóni we zgromadnej papjerje. Wušej togo mjenje, až ta pśizwólowska procedura k dobywanju wugla pód Miłorazom njejo zewšym zachopjona.

Z togo wšykneho wóni wuznaju, až wótbagrowanje Miłoraza njejo daniž trjebne daniž njedajo se z mócu pśesajziš. A pśipowěžiju móčne woboranj: „My bužomy póžywaš

wšykne juristiske móžnosći – we priwatnem, zjawnem a mjazy narodnem pšawje – aby skóncowanje Miłoraza a dalšnych wobgrozonych jsow wót woborali“.

Pódpisarje pokazuju na to, až nje mały žěl Miłoraskich njoco wjas spušćiš. Wóni zhubuju jim pódpěru „při realizěrowanju togo cłowjecnego pšawa“. A mjenje, až ewentualne sudniske jadnanja dla wuswójnjenja (Enteignung) njebužo LEAG dobyš.

Pódpisarje mjenje teke, až wobydlarje, kótarež njekšě byš wobšěžkane wót bliskeje jamy, deje móc wušěgnuš. Ale jich spušćone wjaže a chromy deje weto wóstaš. Pózdzej, gaž to dobywanje wugla we bliskej jamje wopśestanjo, deje tudy nowe luže móc bydliš, kótarež „wiže swój pśichod rowno we takej rědnej serbskej jsy“.

To póžedanje su pódpisali mjazy drugimi sedymjo wobydlarje Miłoraza, kaž teke Serbski sejm, Łužyska alianca, sakski NABU, sakske wótzě-

lenja towaristwowu Sächsischer Heimatschutz a NaturFreunde Deutschlands, a naslědku sakske Zelene a Lěwica.

\*

Hagen Domaška, wjednik přědnego wuzwólwanja Serbskego sejma, jo dał k wěści, až Serbski sejm jo wobzamknuł, až bužo se woboraš pśešiwowótbagrowanju dalšnych serbskich jsow. Sejm póžeda wušej togo, aby serbski lud měl sobu to grono we procesu wótstupowanja wót wugla a był wobžělon na wužytku z pširodnych resursow Łužyce.

Dr. David Greve, jadnař sakskego NABU, jo we mjenju wšyknych wobswětowych organizacijow mjenil: „Wótstupjenje wót wugla do lěta 2038 na jadnom boce a nowe jamy na drugem – to njepasuju gromadu, daniž w Łužycy, daniž pla Lipska. Glědajucy na malsnje pśiběrajuce rozgrěše klima, njeakceptěrujemy wěcej žednogo dalšnego skóncowanja natury a wobswěta“.

G. W.